



2022

IZVJEŠTAJ O AKTIVNOSTIMA

AGENCIJA
LOKALNE
DEMOKRATIJE
MOSTAR





18 GODINA AGENCIJE LOKALNE DEMOKRATIJE MOSTAR

Jedan je 18. rođendan!

Sa sobom donosi zrelost i odgovornost, a mi želimo da vjerujemo da je Agencija lokalne demokratije iz Mostara svoje punoljetstvo dočekala kao zrela i odgovorna organizacija, koja je svojim radom dokazala ozbiljnost i prepoznata je kao ozbiljan faktor, kako u NVO sektoru tako i među predstavnicima lokalnih vlasti i međunarodne zajednice.



Svako putovanje počinje prvim korakom. Mi vjerujemo da je ovih naših 18 godina, 18 velikih koraka prema demokratskijem društvu, zaista samo početak uzbudljivog putovanja u koje smo sa zadovoljstvom uključivali i uključujemo sve saradnike i prijatelje.

Upravo zato je rođendanska zabava povodom 18.rođendana LDA Mostar bila prilika za okupiti mnoga lica i imena iz prošlog, sadašnjeg i budućeg postojanja i djelovanja naše organizacije. Hvala svima koji su ovo veče učinili zabavom za pamćenje, nakon koje će se dugo sabirati utisci.

A mi? Mi idemo dalje, ka novim izazovima, uspjesima, novim prijateljstvima i saradnjama; i nadamo se još mnogim rođendanim.



LDA MOSTAR



Agencija lokalne demokratije Mostar, od svog osnivanja u novembru 2004. godine, djeluje kao lokalno registrovana neprofitna nevladina organizacija uz podršku svojih partnera, te saradnju s drugim Agencijama i Evropskom asocijacijom za lokalnu demokratiju (ALDA).

Upravo ova saradnja, kako na lokalnom tako i na regionalnom nivou, omogućila je brojne aktivnosti i projekte korisne za razvoj lokalne zajednice i njeno uključivanje u procese na regionalnom nivou. Aktivnosti LDA Mostar, s ciljem stvaranja aktivnijeg građanstva s jedne strane, i transparentnih i odgovornih lokalnih vlasti s druge strane, fokusirane su na razvoj modernog demokratskog društva.

Ove aktivnosti prožimaju svaki segment života lokalne zajednice i pružaju mogućnost poboljšanja životnog standarda svih kategorija društva, direktnim utjecajem na konkretne promjene.

O NAMA




Grad Mostar, Bosna and Hercegovina
(partner domaćin)

MISIJA

Podržati proces demokratizacije u Gradu Mostaru jačanjem dobre uprave i izgradnjom kapaciteta lokalnih vlasti i civilnog društva, te aktivnim učešćem građana u javnom životu.

VIZIJA

LDA Mostar će biti resursni centar za institucije kantonalnih/županijskih vlasti, gradsku administraciju i civilno društvo za usklađivanje standarda s demokratskim standardima Evropske unije.



Regija Puglia, Italija
(partner lider)

AKTIVNOSTI I PROJEKTI LDA MOSTAR IMAJU ZA CILJ

- Promociju konkretnih inicijativa poticanja demokratije na lokalnom nivou;
- Izgradnju mostova između građana i vlasti;
- Razvoj pluralnog civilnog društva i aktivno učešće svih društvenih grupa;
- Poticanje procesa pomirenja i zaštitu ljudskih prava;
- Poticanje održivog lokalnog razvoja;
- Jačanje znanja lokalne zajednice o procesima stabilizacije i pridruživanja.

ČLANSTVO U MREŽAMA

- ALDA – Evropska asocijacija za lokalnu demokratiju (www.alda-europe.eu)
- BNLD – Balkanska mreža za lokalnu demokratiju (www.alda-balkan-youth.eu)
- Mreža za izgradnju mira (www.mreza-mira.net)
*(direktorica LDA Mostar članica Upravnog odbora Mreže)
- ALF – Fondacija Anna Lindh (www.annalindhfoundation.org)
*(članica LDA Mostar tima ujedno i članica Upravnog odbora Fondacije)
- Lokalna dijaloška platforma Grada Mostara

NAŠA MREŽA



Program Agencija lokalne demokratije osnovan je na Zapadnom Balkanu 1992. godine na inicijativu Kongresa Vijeća Evrope, kao program potpore jačanju lokalne demokratije, poštivanja ljudskih prava i daljnog održivog razvoja. Danas postoji 15 aktivnih agencija lokalne demokratije sa sjedištem na Zapadnom Balkanu, Južnom Kavkazu i Sjevernoj Africi koje koordinira ALDA, te tri LDA - operativni partneri sa sjedištem u Hrvatskoj. Agencije funkcionišu kao samoodržive, lokalno registrovane nevladine organizacije, ali se zbog međunarodnog okvira unutar kojeg operiraju, razlikuju od drugih nevladinih organizacija.

Our Network

■ Countries with ALDA Activities and members /EU Member States

■ Local Democracy Agencies (LDAs)

- LDA Albania (AL)
- LDA Armenia (ARM)
- LDA Central and Southern Serbia (RS)
- LDA Dnipropetrovsk Region (UA)
- LDA Edremit (Turkey)
- LDA Georgia (GEO)
- LDA Kosovo (RKS)
- LDA Mariupol (UA)
- LDA Montenegro (MNE)
- LDA Moldova in Cimișlia (MO)
- LDA Mostar (BIH)
- LDA Northern Morocco (MA)
- LDA Prijedor (BIH)
- LDA Subotica (RS)
- LDA Tunisia (TN)
- LDA Zavidovici (BIH)


■ Operational partners

- Osijek (IHR)
- Sisak (HR)
- Verteniglio /Brtonigla (HR)


■ ALDA Offices

- Brussels (BG)
- Strasbourg (FR)
- Vicenza (IT)
- Skopje (MK)
- Chisinau (MD)
- Tunis (TN)

alda 
Agencija Evrope
por učenju i razvoju



Zapravo, Agencije lokalne demokratije izgrađuju partnerstva s lokalnim vlastima i nevladnim organizacijama iz cijele Evrope, dajući čitavoj mreži direktni pristup međunarodnoj strukturi kroz potporu ALDA-e, Vijeća Evrope i Evropske unije. Najvažniji aspekt Agencija lokalne demokratije je proces izgradnje partnerstava. Saradnja i partnerstvo između lokalnih i međunarodnih partnera, lokalnih vlasti i nevladinih organizacija, daju dodatne vrijednosti procesu dizajniranja projekata i implementiranju lokalnih aktivnosti. Ovaj proces je sam po sebi proces učenja za sve uključene i služi kao praktičan primjer iz kojeg se vidi kako proces demokratskog participativnog planiranja može dati rezultate. Usvajanjem brojnih službenih odluka, Vijeće Evrope je prepoznalo međunarodni legitimitet Agencija lokalne demokratije.



PROJEKTI IMPLEMENTIRANI U 2022



AMBASADORI ZA NEFORMALNO OBRAZOVANJE MLADIH



Trajanje projekta: 01/11/2019 – 31/10/2021

Donator: Erasmus+ (KA2 – Suradnja za inovacije i razmjenu dobroih praksi – Izgradnja kapaciteta u području mladih)



**Co-funded by
the European Union**

Sufinancirao: Institut za razvoj mladih KULT



Sufinancirao: Institut za razvoj mladih KULT



BOSNA I HERCEGOVINA
Federacija Bosne i Hercegovine
Federalno ministarstvo kulture i sportsa

Aplikant: Agencija lokalne demokratije Mostar (LDA Mostar) (Mostar / Bosna i Herzegovina)

Partneri: Društvo za razvijanje prostovoljnega dela Novo mesto (Novo mesto / Slovenija); The Future Now Association (Sofija / Bugarska); Kosovo Center of Diplomacy (Priština / Kosovo*); United Societies of Balkans (Thessaloniki / Grčka); Youth 4 Society (Tirana / Albanija); Center for Intercultural Dialogue (Kumanovo / Sjeverna Makedonija); Asocijacija za demokratski prosperitet – ZID (ADP-ZID) (Podgorica / Crna Gora); NGO IUVENTA (Šabac / Srbija); Turk Girisim ve Is Dunyasi Konfederasyonu (İstanbul / Turska); TDM 2000 (Cagliari / Italija).

Opis: Projekt se temelji na neformalnom obrazovanju i radi na razvijanju nove metodologije "Ambasadora za neformalno obrazovanje mladih", obučenih mladih koji se mogu služiti "peer-to-peer" pristupom pružajući svoje iskustvo kako bi nadahnuli druge mlade ljudi i relevantne dionike k višem vrednovanju i boljem korištenju NFL iskustva.


Opći cilj: Projekt ima za cilj promovirati učešće u aktivnostima neformalnog obrazovanja i promovirati važnost potvrđivanja i priznavanja kompetencija stečenih izvan formalnog obrazovnog okruženja koristeći inovativnu metodologiju. Projektom se želi uzeti u obzir ono što je do sada učinjeno na ovom području, istraživanjem najboljih praksi i uspješnih priča i pripremiti se za rad na terenu kako bi se ojačala važnost neformalnog učenja.

Specifični ciljevi:

- Istražiti, prikupiti, analizirati i proširiti najbolje postojeće prakse i politike vezane za potvrđivanje i priznavanje neformalnog obrazovanja kao i uspješne priče mladih ljudi koji dolaze iz 11 zemalja uključenih u ovaj projekt
- Obučiti 22 mlada "ambasadora" kako bi promovirali ulogu neformalnog obrazovanja u razvoju i kompetencijama počevši od stvarnih iskustava na terenu, uspješnih priča i usmjerениh metoda
- Kreirati mrežu mladih "ambasadora" neformalnog obrazovanja kao baze za održivi rad na terenu u svrhu promocije neformalnog obrazovanja, stvaranja platforme za razmjenu priča, izazova, ideja i najboljih praksi
- Kreiranje kompletne metodologije za koncept "Ambasadori za neformalno obrazovanje mladih", koja uključuje tome posvećen priručnik, katalog uspješnih priča, online i offline alate i metode za provođenje namjenski kreiranih radionica
- Razviti set preporuka u svrhu provedbe stvaranja novih politika za potvrdu i priznanje kompetencija potrebnih izvan formalnog obrazovnog okruženja, uključujući pri tome javne institucije, privatni sektor i civilno društvo

AKTIVNOSTI U 2022

Završni evaluacijski sastanak projekta održan je u Draču u Albaniji od 3. do 6. aprila/travnja, 2022. Bio je to hibridni tip sastanka koji je uključivao predstavnike 11 partnerskih organizacija. Tijekom sastanka svaka zemlja partner predstavila je svoje lokalne aktivnosti, prednosti i izazove rada na projektu, te buduće uvide u metode neformalnog učenja. Konzorcij je razgovarao o nastavku projekta, budući da su rezultati ovog projekta bili izvrsni. Potrebu za nastavkom provođenja daljnjih aktivnosti u vezi s neformalnim učenjem, na području 11 zemalja, partneri na projektu ocijenili su ključnim.



Završnu lokalnu diseminacijsku aktivnost i završnu konferenciju organizirala je LDA Mostar 12. aprila/travnja 2022. u Mostaru. Završna konferencija okupila je sudionike iz različitih organizacija civilnog društva, Federalnog ministarstva obrazovanja i znanosti, predstavnike srednjih škola i djelatnike koji rade s mladima. Na konferenciji su razrađeni mnogi rezultati i zaključci projekta. Tijekom provedbe projekta provedene su tri aktivnosti međunarodne mobilnosti te realizirane 22 job shadowing aktivnosti u koje je bilo uključeno preko 100 mladih iz 11 zemalja sudionica.



Sveukupno su održane 44 lokalne radionice, kreirano je 11 uvodnih i završnih konferencija u 11 partnerskih zemalja, koje su obuhvatile 2500 sudionika. Nadalje, sudionici Konferencije raspravljali su o drugim aktivnostima kao što su rezultati nastali u okviru projekta: Istraživanje o valorizaciji NFL-a, Katalog inspirativnih priča, Toolkit NFL-a i Preporuke.

Dana 25. aprila/travnja, 2022. LDA Mostar organizirala je svoju četvrtu lokalnu radionicu na kojoj je okupila mlade i mlade ambasadore neformalnog učenja kako bi razgovarali o važnosti sudjelovanja u aktivnostima neformalnog obrazovanja i snazi vrjednovanja i priznavanja kompetencija stečenih izvan formalno obrazovno okruženje kroz inovativnu metodologiju projekta YAMNFL.



Za vrijeme lokalnih radionica promovirana su dva glavna rezultata projekta:

- Istraživanje o priznavanju i vrjednovanju neformalnog učenja u EU, WB i Turskoj,
- Katalog inspirativnih priča o neformalnom obrazovanju s istraživačkim aktivnostima.

Sudionici su pokazali veliki interes za projekt i iskazali spremnost da se uključe u aktivnosti koje se tiču neformalnog obrazovanja, prepoznajući važnost razvoja vlastitih vještina i kompetencija.

STAR - STREET ART



Trajanje projekta: 01/11/2019 – 31/10/2022

Donator: Evropska komisija (Europa za građane – Mreža gradova)



**Co-funded by
the European Union**

Aplikant: Općina Arcugnano (Italija)

Partneri: Vijeće župe Beato – Lisbon (Portugal); Odjel za kulturu, mlade i sport Općine Peć (*Kosovo); Zaklada Street Art muzej – Amsterdam (Nizozemska); Općina Trebnje (Slovenija); Općina Pargaujas (Latvija); Općina Vlora (Albanija); Općina Mioveni (Rumunjska); Udruženje Evropska agencija za projekte i upravljanje – Prag (Češka Republika); Općina Bydgoszcz (Poljska); Grad Mostar (Bosna i Hercegovina); kitev – Kultura u kuli – Oberhausen (Njemačka); Grad Zaječar (Srbija); Općina Reggio Emilia (Italija); ALDA (Francuska)

Opis: U posljednjim godinama, porast migracijskih tokova učinio je Europu multikulturalnom i multietničkom. Kao posljedica toga, gradovi su promijenili svoju urbanizaciju i profil, predgrađa su povećala generiranje fragmentacije i marginalizacije. Nadalje, krizna situacija proteklih godina (npr. finansijska kriza 2008. godine ili izbjeglička kriza) pogoršava ovu urbanu raslojenost i hostilitet između područja, proizvodeći stigmatizaciju i socijalno-prostornu isključenost. Projekt ima namjeru stvoriti mrežu gradova sa zajedničkom strategijom za promicanje socijalne uključenosti i smanjenje marginalizacije rehabilitacijom zanemarenih i napuštenih područja europskih gradova kroz uličnu umjetnost. U projektu sudjeluju akteri iz 14 zemalja: Albanije, Bosne i Hercegovine, Češke, Francuske, Italije, *Kosova, Latvije, Portugala, Poljske, Rumunjske, Srbije, Slovenije, Njemačke i Nizozemske.

Ciljevi:

- obnavljanje zanemarenih i napuštenih područja europskih gradova, koristeći se snagom ulične umjetnosti u zajednici kako bi se stvorio lokalni identitet, socijalna uključenost i aktivno građanstvo;
- izgradnja snažne mreže gradova, posvećenih razmjeni pozitivnih rezultata korištenja ulične umjetnosti kao načina uključivanja zajednica i obnove javnih prostora, stvarajući multiplikativni učinak.

Očekivani ishodi:

- promiče se umrežavanje među europskim gradovima koji koriste uličnu umjetnost zajednice kako bi maksimizirali aktivno građanstvo i socijalnu uključenost;
- razmjenjuju se najbolje prakse među partnerima za promicanje aktivnog građanstva, socijalne uključenosti i urbane obnove na održiv način;
- pojačan je osjećaj pripadnosti i lokalnog identiteta među građanima;
- poboljšana je kohabitacija i solidarnost među građanima;
- povećan je angažman građana u lokalnim i socijalnim pitanjima;
- povećana je svijest građana o europskim vrijednostima.

Napomena: Kao jedan od partnera na projektu, Grad Mostar je odlučio dodijeliti LDA Mostar kao suradnika na projektu, pomažući Gradu Mostaru u provedbi i izvještavanju o projektnim aktivnostima.

AKTIVNOSTI U 2022

U organizaciji Grada Mostara, a u suradnji s LDA Mostar 27. januara/siječnja održana je lokalna radionica koja je okupila mlade Mostarce s ciljem podizanja svijesti studenata o socijalnoj inkluziji snagom umjetnosti. Radionica je održana u prostorijama Odjela za društvene djelatnosti Grada Mostara. Predstavnica mladih, voditeljica Vijeća mladih Mostara Melissa Memić i mlada umjetnica Medina Šukić pripremile su prezentacije i vodile radionicu. Prije radionice, predstavnici Grada Mostara i LDA Mostar organizirali je pripremnu sesiju s voditeljima radionica kako bi predstavili projekt i ciljeve aktivnosti te im dali sve potrebne informacije za pripremu prezentacija.



Dvije predstavnice Grada Mostara/LDA Mostar prezentirale su lokalne aktivnosti i rezultate projekta na Završnoj konferenciji projekta, održanoj u Amsterdamu od 25. do 27. maja/svibnja, 2022. Događaj je bio usmjeren na razmjenu najboljih praksi europskih gradova i organizacija civilnog društva vezanih za ulične umjetničke inicijative kao alat za promicanje društvene uključenosti i urbane regeneracije na razini zajednice.



Dana 3. juna/lipnja, 2022. godine organizirana je druga lokalna radionica za mlade Mostara s ciljem prikupljanja konkretnih ideja za izradu murala. Mladi su dobili zadatak skicirati ideje za izradu murala koji će promicati međukulturalno razumijevanje i društvenu uključenost.

Krajem juna/lipnja 2022. godine mural u Mostaru izradila je mlada mostarska umjetnica Medina Djukić, koja je uspjela u namjeri da svojim radom prenese univerzalnu ljudsku poruku koja je u skladu s porukama i ciljevima samog projekta. Mural se nalazi na zidu javne kuhinje u Mostaru.



JAČANJE LOKALNOG UČEŠĆA I SARADNJE KROZ PARTNERSTVO JAVNIH VLASTI I OCD U BOSNI I HERCEGOVINI - LINK ZA SARADNJU/SURADNJU



Trajanje projekta: januar/siječanj, 2021. – decembar/prosinac, 2023.

Donator: Evropska unija



Finansira
Evropska unija

Aplikant: Agencija lokalne demokratije Mostar

Partneri: Agencija lokalne demokratije Zavidovići, Agencija lokalne demokratije Prijedor, Centar za razvoj Hercegovine (CRH) Trebinje, ALDA – Evropska asocijacija za lokalnu demokratiju

Pridruženi partner: ALDA Skopje

Opis projekta: Projekt promovira principe dobrog upravljanja s ciljem efikasnog i odgovornog upravljanja jedinica lokalne samouprave u Bosni i Hercegovini. Projekt će ojačati kapacitete lokalnih vlasti (izabralih lidera i državnih službenika) i civilnog društva u provođenju participativnih procesa. Zajedno će identificirati konkretnе probleme zajednice koja će svoja rješenja pronaći zahvaljujući participativnom pristupu. Projekt će stoga izgraditi kapacitete i riješiti probleme, konsolidirajući pristup u godinama koje dolaze.

Glavna ciljna skupina ovog projekta su 40 lokalnih OCD-a i lokalnih organizacija iz Bosne i Hercegovine i 12 jedinica lokalne samouprave – općinska uprava i lokalni vijećnici kao lokalni donositelji odluka.

Opći cilj: Projekt teži jačanju kapaciteta organizacija civilnog društva koje se bave procesima javnog zagovaranja kako bi postale obučen i pouzdan partner za kreiranje politika i reforme unutar BiH.

Specifični ciljevi:

- Stvoriti čvršće veze s građanima njihovim uključivanjem u proces javnih politika, dopiranjem do cijele društvene zajednice, uključujući marginalizovane grupe i lokalne zajednice podsticanjem građanskog aktivizma i učešća javnosti u kreiranju politika;
- Unaprijediti sposobnost, transparentnost i odgovornost lokalne samouprave;
- Povećati efektivnost OCD;
- Dosegnuti do Lokalne samouprave na način da ona omogući politike i procedure za građanske inicijative lokalnih organizacija;
- Kreirati mreže OCD-a za izgradnju koalicija radi povećanog utjecaja na kampanje i zagovaranje

AKTIVNOSTI U 2022

Krajem 2021., te početkom 2022. godine predstavnici konzorcija projekta "LINK za saradnju/suradnju" održali su niz sastanaka s predstvincima 12 lokalnih samouprava s područja Bosne i Hercegovine, koje su ujedno i korisnice projekta.




Na sastancima su predstavljene implementirane aktivnosti tokom jednogodišnjeg provođenja projekta, te predstojeće aktivnosti među kojima je jedna od važnijih "grant" šema za civilni sektor u projektnom području koja će se realizirati u 2023. godini. Sastanci su bili prilika i za prezentaciju potencijalno interesantnih modela zajedničke promocije na projektnom portalu i društvenim mrežama projekta (FB i Instagram). Fokus sastanaka bilo je predstavljanje programa Evropska oznaka izvrsnosti u upravljanju – ELoGE i Akademija za lidera – LAP kao izuzetno vrijednih alata Vijeća Evrope koji će dati novu dimenziju odnosima lokalnih samouprava i organizacija civilnog društva uključenih u ovaj projekt.

Tijekom sastanka predstavnika projektnog konzorcija projekta održanog u Mostaru, 8. februara/veljače, 2022. godine, pored redovne razmjene informacija među partnerskim organizacijama, održana je i radionica o procesu provedbe metodologije ELoGE programa Vijeća Evrope koja će se primjenjivati u 12 lokalnih samouprava obuhvaćenih projektom. Na radionici su utvrđeni koraci i materijali koji će biti korišteni kako bi ELoGE proces bio što jasniji korisnicima.



Treba naglasiti da je od oktobra/listopada do decembra/prosinca, 2021. godine, 16 predstavnika projektnog konzorcija prošlo obuku za trenere za provedbu ELoGE metodologije koju su održali vanjski stručnjaci delegirani od Vijeća Evrope, te su tako predstavnici konzorcija postali certificirani treneri za provedbu ELoGE programa. ELoGE program obuhvaća proces samoprocjene djelovanja lokalnih samouprava u okviru 12 principa dobre lokalne uprave. Izvršena samoprocjena detektira jače i slabije segmente djelovanja lokalne samouprave, nakon čega slijede ciljane edukacije u svrhu poboljšanja istih. Po završetku ELoGE radionice predstavnika projektnog konzorcija, započela je serija radionica s predstavnicima lokalnih ELoGE timova, delegiranih ispred 12 lokalnih

Uoči pripreme za prvi projektni Forum, 9. marta/ožujka, 2022. godine, održan je online informativni sastanak na temu "Promotivne i diseminacijske aktivnosti projekta" s komunikacijskim službenicima 12 lokalnih samouprava u BiH koje su korisnice projekta "LINK za saradnju/suradnju". Cilj sastanka bio je intenzivirati saradnju na planu promocije i diseminacije svih ključnih aktivnosti projekta s fokusom na ELoGE program Vijeća Evrope čije je službeno pokretanje bilo upriličeno u skopu prvog projektnog Foruma u Zavidovićima.



Sastanak predstavnika projektnog konzorcija održan je 16. marta/ožujka, 2022. godine u Zavidovićima, u organizaciji projektnog partnera Agencije lokalne demokratije Zavidovići, a prethodio je "Forumu za razmjenu najboljih praksi saradnje OCD-a i lokalnih vlasti". Predstavnici projektnog konzorcija napravili su detaljan pregled stanja do tada provedenih aktivnosti, razgovarali o detaljima održavanja Foruma, te se dotakli predstojećih aktivnosti projekta i finansijskog izvještavanja.



U Zavidovićima je 17. marta/ožujka 2022. održan prvi projektni Forum za razmjenu najboljih praksi saradnje organizacija civilnog društva (OCD) i lokalnih vlasti. Pored predstavnika međunarodne zajednice i predstavnika donatora, Forumu su prisustvovali i predstavnici lokalnih vlasti i OCD-a iz Berkovića, Jablanice, Kostajnice, Maglaja, Mostara, Nevesinja, Novog Grada, Prijedora, Ravnog, Trebinja, Zavidovića i Žepča, koji su zajednički identificirali konkretnе izazove saradnje i iskazali spremnost za pronalaženje optimalnih rješenja za jačanje iste.



Središnji događaj Foruma bilo je pokretanje ELoGE programa Vijeća Evrope u Bosni i Hercegovini, osmišljenog da podrži zajednice u njihovoј potrazi za poboljšanjem svoje lokalne samouprave, a koji će se provoditi u 12 gradova i općina/opština obuhvaćenih projektom. Cilj je sprovesti samoprocjene tih gradova i općina/opština u skladu s 12 načela dobrog demokratskog upravljanja. Prva ELoGE akreditirana platforma u BiH koju čine predstavnici konzorcija projekta, kontinuirano će biti na raspolaganju gradovima i općinama/opština u procesu samoprocjene u narednim mjesecima.



Zaključci i preporuke Foruma sažeti su u sljedećem [DOKUMENTU](#).

U periodu od marta/ožujka do juna/lipnja 2022. godine održane su radionice o primjeni ELoGE programa Vijeća Evrope namijenjene predstavnicima 12 lokalnih samouprava u Bosni i Hercegovini. Radionice su održali predstavnici projektnog konzorcija, certificirani ELoGE stručnjaci, a obuhvatile su detaljnu prezentaciju ELoGE programa koji se oslanja na 12 principa dobrog demokratskog upravljanja. Poseban fokus stavljen je na metodologiju popunjavanja ELoGE standarda (benchmark) i paralelno prikupljanje mišljenja građana, lokalnih izabralih zvaničnika i lokalne administracije putem upitnika. ELoGE timovima delegiranim ispred svake od 12 lokalnih samouprava prezentirani su i primjeri dobre prakse iz zemalja članica Evropske unije, te je naglašena činjenica da je proces prolaska kroz ELoGE standard od iznimnog značaja za detektiranje svih eventualnih manjkavosti, kao i pozitivnih aspekata djelovanja lokalne samouprave.

Po završetku procesa ELoGE samoprocjene lokalnih samouprava, a na osnovu detektiranih problema u određenim područjima, naknadno su kreirani moduli edukacije koji se realiziraju kroz program Akademija za lidere (LAP) Vijeća Evrope, koji je također jedna od specifičnost projekta.



Radionica o evaluaciji ELoGE procesa samoprocjene lokalnih samouprava održana je 7. maja/svibnja 2022. godine u Sarajevu u organizaciji Agencije lokalne demokratije Mostar. Radionica je realizirana s ciljem prenošenja evaluacijske metodologije i procedura nezavisnoj ELoGE komisiji koju čine eksperti/ce iz oblasti lokalne uprave. Nezavisna komisija donosi konačnu odluku o tome koje od 12 lokalnih samouprava, korisnica projekta "LINK za saradnju/suradnju", zadovoljavaju kriterije standarda ELoGE programa koji počiva na 12 principa dobre demokratske uprave.



Sredinom 2022. godine predstavnici 12 lokalnih samouprava započeli su provedbu ELoGE programa Vijeća Evrope koz projekt "LINK za saradnju/suradnju". Ovaj opsežan proces samoprocjene vlastitih kapaciteta koji se bazira na 12 principa dobre lokalne uprave je zapravo alat koji duboko skenira sva područja djelovanja lokalne samouprave i odličan orijentir i osnova s koje općine/opštine i gradovi mogu učiniti poboljšanja u svim područjima u kojima se detektiraju manjkavosti.

Agencija lokalne demokratije Mostar nositeljica je prve i jedine akreditirane platforme za provedbu ELoGE metodologije u Bosni i Hercegovini, koju još čine i ostale članice projektnog konzorcija. Ukupno 16 predstavnika ove platforme certificirano od Vijeća Evrope za provedbu ELoGE-a, te da su tokom provedbe ovog procesa kontinuirano na raspolaganju lokalnim samoupravama.

U skladu s ELoGE metodologijom, predstavnici lokalnih samouprava imaju zadatak popuniti temeljni ELoGE dokument, tzv. ELoGE standard (benchmark) koji se temelji na 12 principa dobre lokalne uprave, a uz koje je vezano preko 90 indikatora. Ocjene koje sebi dodjeljuje lokalna samouprava svoje uporište moraju imati u priloženoj dokumentaciji, koja potkrepljuje iste.


Paralelno s popunjavanjem ELoGE standarda, prikuplja se mišljenje građana, lokalne administracije i izabranih zvaničnika putem ELoGE upitnika, koji se također temelje na 12 principa dobre lokalne uprave. Premda stavovi prikupljeni putem upitnika ne utječu direktno na samoprocjenu koju vrši lokalna samouprava, oni služe kao poredba i orijentir ELoGE neovisnoj komisiji o stupnju razmimoilaženja stavova i mišljenja.

Samoprocjena lokalne samouprave potom se upućuje na analizu neovisnoj komisiji sastavljenoj od stručnjaka za lokalnu upravu, a članovi komisije donose konačnu ocjenu o zadovoljavanju minimalnih preduvjeta za dodjelu ELoGE certifikata i simbolične nagrade – ELoGE kristalnog dodekaedra.



ELoGE

Evropska oznaka izvrsnosti u upravljanju



Tokom septembra/rujna i oktobra/ listopada 2022. godine, u sklopu projekta "LINK za saradnju/suradnju", Agencija lokalne demokratije Mostar (LDA Mostar) je implementirala seriju treninga kroz program Akademija za lidere (LAP) Vijeća Evrope. Trening je namijenjen predstavnicima jedinica lokalne samouprave i organizacija civilnog društva iz Berkovića, Jablanice, Kostajnice, Maglaja, Mostara, Nevesinja, Novog Grada, Prijedora, Ravnog, Trebinja, Zavidovića i Žepča.



LAP trening podijeljen u dva ciklusa, uspješno su završile tri grupe polaznika. Više od 60 učesnika/ca, pod vodstvom LAP trenera certificiranih od Vijeća Evrope, prošlo je intenzivnan program putem kojega su imali priliku razmijeniti postojeće prakse svojih institucija i organizacija, detektirali manjkavosti rada, te na osnovu naučenog pokušali iznaći moduse za poboljšanje istog.



Moduli treninga odabrani su na osnovu do sada izvršene procjene stanja i potreba ciljnih skupina uključujući još aktivan višemjesečni proces samoprocjene 12 lokalnih samouprava obuhvaćenih projektom, te upitnik upućen predstavnicima OCD-a iz istih 12 općina/opština i gradova.

Program Akademija za lidere (LAP) je program osposobljavanja prvenstveno namijenjen javnim vlastima na različitim razinama za strategije i izgradnju kapaciteta koji se podučavaju u 2 ciklusa. Svrha programa je naučiti sudionike boljim vještinama vođenja, upravljanja i planiranja.



Glavni cilj LAP-a je usvajanje znanja i alata koji će sudionicima omogućiti bolje upravljanje odgovornošću i promjenama unutar institucija iz kojih dolaze. U cilju podržavanja procesa demokratizacije, kroz jačanje dobre uprave i izgradnje kapaciteta lokalnih vlasti i civilnog društva, Agencija lokalne demokratije Mostar u saradnji s projektnim partnerima, kroz ciklus treninga uključila je i predstavnike civilnog društva u navedeni Program.

Trening u okviru Akademije za lidere u Trebinju bio je prilika za organiziranje redovnog sastanka predstavnika projektnog konzorcija, koji je održan 25. oktobra/listopada, 2022. godine u Trebinju. Fokus sastanka bile su pripreme za početak organizacije drugog projektnog Foruma u Prijedoru. Pored planiranja projektnog Foruma predstavnici projektnog konzorcija evaluirali su do sada provedene aktivnosti, te definirali pristup implementaciji predstojećih aktivnosti.



U okviru projekta, uspostavljena je i neformalna Mreža za participativnu demokratiju koja pored 12 jedinica lokalne samouprave obuhvaćenih projektom, okuplja i organizacije civilnog društva koje su registrovane na području ovih 12 lokalnih zajednica. Cilj Mreže je razmjena iskustava, umrežavanje i uspostavljanje čvršće saradnje između OCD-a i lokalnih vlasti.



Do sada su članice Mreže imale priliku za edukaciju i razvoj kapaciteta svojih organizacija kroz program LAP Vijeća Evrope, a u 2023. godini, OCD-ovi, članice Mreže, će imati i priliku da apliciraju za sredstva kroz grant shemu koja je sastavni dio treće godine projekta. Organizacije koje postanu članice Mreže također će imat priliku potpisati online protokol (memorandum o razumijevanju) s jedinicama lokalnih samouprava u svrhu razvoja odnosa i kontinuirane saradnje.

Sve zainteresirane organizacije civilnog društva iz Bosne i Hercegovine pozvane su da se priključe Mreži putem jednostavnog online formulara.

Sastanak predstavnika projektnog konzorcija održan je 08. decembra/prosinca, 2022. godine u Prijedoru, u organizaciji projektnog partnera Agencije lokalne demokratije Prijedor, a prethodio je drugom projektnom "Forumu za razmjenu najboljih praksi saradnje OCD-a i lokalnih vlasti". Predstavnici projektnog konzorcija dogovorili su posljednje detalje uoči Foruma u Prijedoru, prezentirali aktivnosti provedene u prethodnom razdoblju, te se dotakli predstojećih aktivnosti projekta i detalja vezanih uz finansijsko izvještavanje.



Drugu godinu projekta "LINK za saradnju/suradnju" zaokružili smo drugim projektnim Forumom za razmjenu najboljih praksi saradnje organizacija civilnog društva (OCD) i lokalnih vlasti koji je održan u Prijedoru, 9. decembra/prosinca, a okupio je preko 60 učesnika s područja 12 lokalnih zajednica obuhvaćenih projektom.



Pored predstavnika međunarodne zajednice, Forumu su prisustvovali stručnjaci za lokalnu samoupravu i predstavnici lokalnih vlasti i OCD-a iz Berkovića, Jablanice, Kostajnice, Maglaja, Mostara, Nevesinja, Novog Grada, Prijedora, Ravnog, Trebinja, Zavidovića i Žepča, koji su zajednički identificirali konkretne izazove suradnje i iskazali spremnost za pronalaženje optimalnih rješenja za jačanje iste. Na Forumu je također izvršena procjena uticaja i važnosti, kroz projekt provedenog, ELoGE procesa i programa Akademije za lidere (LAP) Vijeća Evrope kao ključnih alata u kontekstu pridruživanja Evropskoj uniji.



Drugi projektni Forum imao je dva glavna cilja:

1. Procijeniti stanje u pogledu saradnje lokalnih vlasti i civilnog društva u 12 lokalnih samouprava Bosne i Hercegovine
2. Izvršiti procjenu uticaja i važnosti, kroz projekt provedenog, ELoGE procesa i programa Akademije za lidere (LAP) Vijeća Evrope kao ključnih alata u kontekstu pridruživanja Evropskoj uniji

Zaključke i preporuke sa Foruma u Prijedoru pronadite u sljedećem [DOKUMENTU](#).



PROJEKT MOSTAR – PROSTORI KOJI POKREĆU



Trajanje projekta: august/kolovoz, 2021. - juli/srpanj, 2024.

Donator: Vlada Ujedinjenog Kraljevstva



Aplikant: People in Need (PIN)

Partneri: Everyday Peace Indicators (EPI), Omladinski Kulturni centar Abrašević (OKC Abrašević), Agencija lokalne demokracije Mostar (LDA Mostar) i Nešto Više (NV).

Opis projekta: "Projekt Mostar - Prostori koji pokreću" je trogodišnji projekt, koji ima za cilj unaprijediti sadržaje i korištenje javnih prostora u Mostaru kroz aktivno uključivanje građana/ki i potporu njihovim inicijativama koje doprinose kvaliteti građanskog, kulturnog i gospodarskog života u gradu Mostaru. Projektom se namjerava podržati građane/ke i lokalne vlasti da učinkovito koriste nove vještine, alate i mehanizme za rješavanje prioriteta na uključiv, rodno osjetljiv, participativan i sustavan način.

Trenutno je u toku pripremna faza projekta, u kojoj će biti definirane aktivnosti uključivanja i aktiviranja građanki i građana, kao i ostalih relevantnih dionika sa ciljem njihovog direktnog učešća u kreiranju pozitivnih promjena u gradu Mostaru.

Od proljeća 2022. godine, očekuje nas intenzivan i izazovan period od dvije godine, kada ćemo sve ono što smo zamislili u pripremnoj fazi, osluškujući prije svega puls grada i njegovih građana, početi sprovoditi u djelo.

Partneri iz lokalne zajednice implementirati će niz inovativnih aktivnosti pokretanja i uključivanja građana/ki sa ciljem uspostavljanje dijaloga među zajednicama, a tiču se zajedničkih prioriteta, u okviru svojih sfera djelovanja. Pored toga, Projekt će izravno dodijeliti sredstva za financiranje infrastrukturnih projekata i intervencija u javnom prostoru, kao i inicijativa koje će voditi i koje su dizajnirane od strane građana/ki, a koje se odnose na zajednički javni prostor i zajedničke aktivnosti.

Nositelj projekta je People in Need (PIN), češka neprofitna, nevladina organizacija koja pruža humanitarnu i razvojnu pomoć u više od 30 zemalja diljem svijeta. Zajedno sa PIN-om, ravnopravni članovi konzorcija su Everyday Peace Indicators (EPI), Omladinski Kulturni centar Abrašević (OKC Abrašević), Agencija lokalne demokracije Mostar (LDA Mostar) i Nešto Više (NV).

Projekt financira Vlada Ujedinjenog Kraljevstva.

AKTIVNOSTI U 2022

U aprilu/travnju smo obilježili Dan planete Zemlje "pričaonicom" koja je građankama i građanima Mostara dala priliku da razgovaraju sa aktivistima i aktivistkinjama o značaju i važnosti javnih prostora i zelenih površina. Događaj je organizirala LDA Mostar, a cilj mu je bio ukazati na činjenicu da javni prostori pripadaju svima, te da kroz aktivno sudjelovanje u kreiranju i korištenju javnih prostora kvalitet života u Mostaru se može poboljšati.



Nakon razgovora sa aktivistima i aktivistkinjama, građanke i građani su ostavili svoje prijedloge za lokacije koje zahtijevaju hitne intervencije i akcije kojima bi se navedeni problemi mogli riješiti. Kroz 26 upitnika, građanke i građani su ostavili 44 prijedloga koja su obrađena od strane LDA Mostar tima i upućena Gradskoj upravi – Uredu Gradonačelnika i Odjelu za privredu, komunalne i inspekcijske poslove, te Ministarstvu trgovine, turizma i zaštite okoliša HNK/Ž.

U cilju prikupljanja prijedloga za revitalizaciju javnih prostora na otvorenom junu/lipnju smo, povodom Svjetskog dana zaštite okoliša, organizovali razgovore sa građanima na četiri lokacije u Mostaru – Hotel Bristol Mostar, Kulturni centar Mostar Sjever, Centar za posjetitelje i centar za podršku klasterima Mostar i HD Herceg Stjepan Kosača. Građanke i građani su na sve četiri lokacije imali priliku saznati više o tome šta su javni prostori, te kako razmišljati o njima u kontekstu Mostara i specifičnih regija grada.



Nakon upoznavanja sa Projektom i uvodnog predavanja, građanke i građani su ostavili svoje prijedloge za urbane akupunkture u javnim prostorima grada koje bi trebale doprinjeti unapređenju i svakodnevnom korištenju istih.



Ukupno je ispunjeno i predato 74 upitnika, na kojima su određene lokacije pomenute 85 puta, a za koje je ukupno dato oko 200 prijedloga, ideja i komentara građanki i građana. Kroz obradu i objedinjavanje upitnika uvidjeli smo da građanke i građani imaju najveću potrebu za zelenim površinama (obnova i revitalizacija postojećih, dodavanje novih i redovno održavanje), biciklističkim stazama, adekvatnim pristupom javnim površinama za osobe sa invaliditetom i inkluzivnijim dječjijim igralištima.

U mjesecu augustu/kolovozu, sa građankama i građanima Mostara družili smo se na dvije lokacije – Ulica Nikole Šubića Zrinskog i Ulica Braće Fejić u okviru ulične akcije „Šta vas pokreće“, te ih informisali o mogućnosti glasanja za pet od ukupno 71 predložene intervencije za urbane akumpunkture u javnim prostorima na otvorenom.



Tokom dvodnevne akcije LDA Mostar je prikupila 331 glas građanki i građana Mostara za intervencije u javnim prostorima na otvorenom.

U prvom kvartalu 2022. godine, Grad Mostar je prošao kroz proces samoprocjene vlastitih kapaciteta temeljenih na 12 principa dobrog demokratskog upravljanja, kroz koje lokalna samouprava ocjenjuje svoje djelovanje. Istovremeno, građanke i građani Mostara, njih 1.524, su putem online ankete dali vlastitu procjenu kvalitete usluga koje pruža i politika koje provodi Grad Mostar.



Provedeno istraživanje objedinjeno je u publikaciju pod nazivom Samoprocjena kapaciteta Grada Mostara temeljena na 12 principa dobre lokalne samouprave u poređenju sa stanovištima građanki i građana Mostara. Kroz publikaciju, prezentiranu javnosti u novembru 2022. godine, LDA Mostar je ukazao na potrebu za dodatnim podizanjem svijesti građanki i građana o temeljnim dužnostima i nadaležnostima gradske administracije, te paralelno poboljšavati aktivne kanale komunikacije između Grada i građanki i građana.



Na osnovu rezultata samoprocjene, a u cilju poboljšanja komunikacije sa građankama i građanima, Grad Mostar je pokrenuo pokrenuo emisiju Dobar dan Mostar putem kojeg se mogu pratiti aktuelne informacije iz privrede, umjetnosti, sporta, te najnovije informacije o projektima koje Grad provodi.

U periodu septembar/rujan-decembar/prosinac 2022. godine LDA Mostar realizovala je dvije aktivnosti izgradnje kapaciteta za predstavnike Grada Mostara i nevladinih organizacija sa područja Mostara. Program je imao za cilj upoznavanje sa alatima koji će učesnicima pomoći u boljem vođenju organizacija ili institucija, kao i umrežavanje javnog i civilnog sektora. Aktivnosti koje su provedene u sklopu ovog programa su:

Akademija za lidere (LAP)

Trideset i pet predstavnika nevladinih organizacija i Grada Mostara kroz dva ciklusa treninga, vođenih od strane certificiranih trenera programa Akademije za lidere, imali priliku razgovarati i edukovati se o vještinama za vođenje, upravljanje i planiranje na organizacijskom i institucionalnom nivou. Program je kreiran na osnovu samoprocjene Grada Mostara i ankete koju su, u sklopu prijave na navedeni program, popunili predstavnici nevladinih organizacija.



Alati koje su polaznici usvojili omogućili su im bolje upravljanje odgovornošću i promjenama unutar organizacija iz kojih dolaze. Pored novih alata, Akademija za lidere omogućila je učesnicima umrežavanje sa službenicima Grada Mostara i nevladnim sektorom, kao i rad na konkretnim incijativama za unapređenje kvalitete života građanki i građana.



Jedna od učesnica, Medina Gosto Bakić, iz Udruženja žena Vrba, je u decembru/prosincu, 2022. godine zajedno sa još dvije organizacije učesnice Akademije, na osnovu novih vještina stečenih kroz trening, pokrenula je akciju obezbjeđivanja higijenskih potrepština za žene koje borave na Psihijatrijskom odjelu pri Kantonalne bolnice „Dr. Safet Mujić“ in Mostar.

U decembru/prosincu, 16 učesnika Akademije za lidere učestvovalo je na programu obuke na planini Igman. Cilj programa bio je produbiti saradnju i osnažiti veze između civilnog i javnog sektora, te uz pomoć trenerice educirati polaznike o pitanjima vođenja tima, komunikacije u timu i projektnog ciklusa.



Tokom programa učesnici/ce su, kroz niz interaktivnih vježbi i uz mentorstvo trenerice, radili na projektnim prijedlozima koji će, za neke od njih, postati osnov aplikacije na Javni poziv za prikupljanje projektnih prijedloga za dodjelu bespovratnih finansijskih sredstava namijenjenih za zajedničko djelovanje organizacija civilnog društva i lokalnih vlasti.

Tri učesnice koje su na programu predstavljale Grad Mostar – Senada Demirović Habibija, Elvira Šuta i Gordana Lovrić, upoznavši se sa potrebama civilnog sektora, po dolasku u Mostar, u sklopu zajedničkog izvještaja, uputile su dvije incijative prema Uredu Gradonačelnika. Njihov kratkoročni prijedlog bio je nabavka jednog Molly odjela za oboljele od Multiple Skleroze (MS) i dječije paralize, a njihov dugoročni prijedlog bio je uvođenje participativnog budžetiranja kao redovne prakse za Grad od 2024. godine. Kao savjetodavno tijelo u procesu kreiranja budžeta preoručena je mreža organizacija civilnog društva koja je nastala kroz programe izgradnje kapaciteta pod vodstvom LDA Mostar.

OSNAŽIMO MLADE DA MIJENJAJU SVIJET



Trajanje projekta: 01/01/2022 – 31/12/2023

Donator: Europska unija (Erasmus+ - KA2 – Cooperation for innovation and the exchange of good practices – Capacity Building in the field of Youth)



**Co-funded by
the European Union**

Aplikant: NGO IUVENTA (Srbija)

Partneri: Agencija lokalne demokratiju Mostar (Bosna i Hercegovina); TDM 2000 (Italija); VSI PASAULIO PILIECIU AKADEMIJA (GCA) (Litvanija); Farhat Hached Institute for Research and Democracy (FHIRD) (Tunis); JORDAN Youth Innovation Forum (Jordan)

Opis: Ovim projektom promovirat ćemo sociopolitički razvoj i psihološko osnaživanje mladih kako bi razumjeli korijene problema s kojima se suočava njihova zajednica te imali vještine i motivaciju za djelovanje koristeći PAR metodologiju. Primjenom metodologije Istraživanja kroz participativno djelovanje mlađi će moći u lokalnoj zajednici provoditi javno zagovaranje kod donositelja odluka što dovodi do potencijalnog rješenja problema i njihovog izravnog ili neizravnog uključivanja u procese donošenja odluka.

Opći cilj ovog projekta je izgradnja kapaciteta partnerskih organizacija i njihovih članova za Istraživanje kroz participativno djelovanje (PAR) i poticanje korištenja PAR metodologije u rješavanju različitih problema zajednice i poduzimanje konkretnih akcija koje dovode do društvenih promjena.

Specifični ciljevi:

SO1: Razviti razumijevanje metodologije Istraživanja kroz participativno djelovanje (PAR) kod sudionika s fokusom na to kako metodologija može poboljšati njihovu vlastitu praksu, kao i praksi organizacija u području sudjelovanja i angažmana mladih

SO2: Razviti kompetencije, znanja i vještine budućih istraživača o PAR procesu i multipliciranju PAR metodologije

SO3: Koristiti PAR metodologiju koja se fokusira na goruća pitanja vezana uz mlađe angažman i sudjelovanje, s posebnim osvrtom na angažman i sudjelovanje u procesu donošenja odluka

SO4: Promicati metodologiju Istraživanja kroz participativno djelovanje za potporu trajnog sudjelovanja mladih u demokratskom životu i jačanje inicijativa za sudjelovanje i angažman mladih

SO5: Podržati društveno-politički razvoj i psihološko osnaživanje mladih kako bi razumjeli korijene problema s kojima se suočavaju njihove zajednice, te imali vještine i motivaciju za poduzimanje PAR akcije kao nositelja pozitivnih promjena.



AKTIVNOSTI U 2022

Projekatne aktivnosti su započele sa početnim sastankom u hibridnoj formi 3. i 4. februara/veljače u Tunisu koji je okupio predstavnike partnerskih organizacija pri čemu je diskutirano o obavezama i orgovornostima partnera u periodu koji predstoji.



Nakon početnog sastanka uslijedila je prva lokalna konferencija u partnerskim zemljama. Uvodna konferencija projekta „Osnažimo mlade da mijenjaju svijet“ održana je 12. aprila/travnja u Mostaru u organizaciji LDA Mostar. Okupila je predstavnike različitih organizacija civilnog društva, Federalnog ministarstva obrazovanja i nauke, predstavnike srednjih škola, omladinske radnike i dr. LDA Mostar je zvanično pokrenuo projekt YECW, a dionici su se upoznali sa ciljevima i aktivnostima dvogodišnjeg projekta, s posebnim osvrtom na aktivnosti koje će uključiti mlade i omladinske radnike grada Mostara, te očekivane rezultate projekta.



Nakon uvodne konferencije uslijedilo je održavanje Prvog webinara kao pripreme za prvu međunarodnu aktivnost/mobilnost/trening. Prva dva webinara su organizirani 31. maja/svibnja i 1. juna/lipnja. Webinar je pohađalo dvoje predstavnika iz partnerskih organizacija, kao i učesnici koji će biti dio međunarodnog treninga. Glavna tema webinara bila je Metodologija istraživanja kroz participativno djelovanje, tzv. PAR metodologija.

Nakon webinara uslijedila je prva međunarodna aktivnost ili trening koji se održao u Vranjačkoj Banji (Srbija), u periodu od 6. do 12. juna/lipnja. Treninga se sastojao od uvoda u sedmični dnevni red, kao i sam projekat, team building aktivnosti i neformalno obrazovanje u omladinskom radu, i najvažnije o metodama istraživanja koji mladi mogu da iskoriste kako bi vodili istraživanje u njihovojoj lokalnoj zajednici, pristupili problemima i našli način da utiču na te probleme, i to sve kroz Metodologiju istraživanja kroz participativno djelovanje (PAR metodologija).



Po završetku međunarodnog treninga u Vrnjačkoj Banji, mladi su primjenili naučeno u njihovojoj lokalnoj zajednici sa 20 mladih i omladinskih radika iz grada Mostara. Uspješno se realizirao prvi dio Treninga za mlaide grada Mostara u sklopu projekta. Obuka na loklanom nivou je trajala 3 dana u periodu od 24.-26. oktobra/listopada i održana je u Youth HUB (prostorije LDA Mostar). Obuka se sastojala od dva dijela, pri čemu je u prvom dijelu treninga, koji je trajao tri dana, učestvovalo ukupno 20 mladih koji su educirani o Metodologiji istraživanja kroz participativno djelovanje (PAR metodologija).



U prvom danu obuke mladi su imali priliku upoznati se malo više sa načinom i vrstama istraživanja i to sve putem PAR metodologije. Drugi dan su imali priliku baviti se ciljevima istraživanja i istraživačkim pitanjem, kao i koji su to problemi koji utiču na naše društvo na lokalnom i na regionalnom nivou. Pored toga, su obučeni koje vrste istraživanja i metode prikupljanja podataka postoje kako bi bolje pristupili nekom problemu.

Završni dan obuke se bazirao na detaljno prezentovanje metoda prikupljanja podataka i planiranje istraživanja i vremenski tok. Glavni cilj obuke je podržati i osvestiti mlade da budu kompetentni istraživači PAR metodologije sa vještinama i znanjem za implementaciju PAR-a na lokalnom i regionalnom nivou. Ova obuka će osposobiti i unaprijediti znanje budućih istraživača o PAR metodologiji i načinu na koji rade sve istraživačke korake.



Treći i četvrti webinar su održani pred kraj godine kao priprema za Drugu međunarodnu mobilnost/trening/aktivnost projekta koja će se održati u talijanskom Cagliariju. Webinari su se održali 27. i 28. decembra/prosinca. Cilj je bio pružiti podršku polaznicima treninga i pismo lokalnim PAR timovima i osigurati kvalitetnu implementaciju PAR metodologije. Webinari su pokrivali sljedeće teme: - Analiza podataka - Predstavljanje nalaza ključnih podataka - Diseminacija nalaza ključnih podataka.

IZNAD PRIČA



Trajanje projekta: 01/01/2022 – 31/12/2023

Donator: Evropska unija (Erasmus+ - KA220-YOU: Cooperation among Organizations and Institutions – Cooperation partnerships in youth)



**Co-funded by
the European Union**

Aplikant: Humanitas (Slovenija)

Partneri: Umanotera (Slovenija), Sudwind (Austrija), LDA Mostar (Bosna i Hercegovina), CEPS (Španjolska)

Opis: Globalni problemi nisu izolovani, oni su međusobno zavisni, isprepleteni, složeni i važno ih je na ovaj način rješavati, uključujući rješavanje i saradnju na međunarodnom nivou. Projekat je odgovor na nepovezanost klimatskih promjena i migracija među mladima, nadovezujući se na rezultate istraživanja, koji sugeriraju da mladi trenutno ne povezuju klimatske promjene i migracije u velikoj mjeri, ali su svjesni njihove povezanosti u odnos prema budućnosti.


Glavni cilj: usmjeriti omladinske radnike na znanje i informacije koje imaju za cilj izgradnju i jačanje kompetencija i kritičko razumijevanje klimatskih migracija.

Specifični ciljevi:

- promovirati i ojačati umrežavanje i solidarnost između omladinskih radnika i mlađih ljudi te potaknuti razumijevanje, solidarnost i potaknuti aktivaciju za društvo klime i socijalne pravde;
- implementacija komunikacijskog plana, kroz koji ćemo široj javnosti prenijeti sadržaj projekta i potaknuti javni diskurs o klimatskim migracijama, trenutno zanemarenoj temi;
- povećanje organizacionih kapaciteta NVO sektora u partnerskim zemljama kroz širenje stečenih organizacionih vještina kroz mreže partnerskih organizacija;
- podrška i promocija nove inicijative EU "Climate Education Coalition" u borbi protiv klimatskih promjena.

AKTIVNOSTI U 2022

Projektne aktivnosti su počele sa kick-off sastankom na kojem su se organizovali zadaci partnera kao i odabir datuma za predstojeće aktivnosti. Prvi projektni rezultat je počeo sa sastancima koji imaju za cilj jačanje kapaciteta organizacija koje učestvuju u projektnom konzorcijumu. Prvo predavanje/lekciju pripremila je organizacija Umanotera na temu zelenog operativnog sistema organizacije. Prateći skicu šire situacije u oblasti klimatskih promjena, učesnici su saznali kako mogu smanjiti svoj utjecaj na okoliš i ugljični otisak upravljanjem vlastitim uredima i sistemom upravljanja zelenom organizacijom.





Predstavnici LDA Mostar učestvovali su na drugoj online radionici na temu „Metodologije rada u oblasti antirasizma/antidiskriminacije i interseksionalnosti“ koja je održana 03. marta/ožujka, 2022. Predavanje je održao Südwind, partnerska organizacija koja se bavi edukacijom o globalnom građanstvu i uvođenjem međunarodnih razvojnih pitanja i briga u inicijative civilnog društva. Radionica je pripremljena u okviru projekta, a prvenstveno je namijenjena partnerskim organizacijama u konzorcijumu, ali i drugim organizacijama zainteresovanim za ovu oblast.

Tokom radionice obrađena su pitanja kao što su: oblici rasizma i diskriminacije koji postoje; pojам interseksionalnosti; zašto je važno biti osjetljiv na pitanja rasizma, diskriminacije i interseksionalnosti kada se bavimo klimatskom krizom i klimatskim migracijama; kako implementirati principe antirasizma i antidiskriminacije u načinu rada naše organizacije...




U organizaciji LDA Mostar održano je sljedeće online predavanje. Predavanje je održala direktorica LDA Mostar, Dženana Dedić, a zasnovano je na temi "Međusektorskog dijaloga između organizacija civilnog društva i relevantnih dionika koji dovode do povećanja participativne demokratije". Predavanje je pripremljeno u okviru projekta "Iznad priča", a prvenstveno je namijenjeno partnerskim organizacijama u konzorcijumu, ali i drugim organizacijama zainteresovanim za ovu oblast.

Tokom radionice obrađena su sljedeća pitanja: demokratija, pitanje migracija i izbori u Mostaru i Bosni i Hercegovini. Štaviše, fokus je bio na prethodnim projektima koji se odnose na klimatske promjene i posebno migracije u kojima je učestvovala LDA Mostar.




Četvrta aktivnost u sklopu Projektnog rezultata je online radionica na temu "Kreativni digitalni alati, digitalne metodologije učenja i digitalne navike" koji je organizovan 15. marta/ožujka, 2022. godine. Predavanje je održano od strane CEPS-a, partnerska organizacija koja radi u ovoj oblasti kako bi ljudima omogućila pristup društvenom i kulturnom kapitalu zajednice kroz njihovo osnaživanje, promociju kohezije i socijalne uključenosti, te borbu protiv društvenih nejednakosti. Tokom radionice obrađena su sljedeća pitanja: Koje digitalne alate koriste omladinski radnici i ljudi općenito? Da li tehnologija povećava ugljični otisak...?



Peta online radionica na temu „Uvod u globalno obrazovanje“ je organizovana 22. marta/ožujka, 2022. Organizacija Humanitas, koja je kordinator projekta, i koja od 2000. godine radi na polju globalnog učenja i programa podrške za djecu i lokalne zajednice, bila je zadužena za predavanje. Tokom interaktivne radionice diskusija se kretala oko koncepta globalnog obrazovanja i njegovih metodologija, a obrađena su sljedeća pitanja:

- analiza sadašnje situacije u svijetu i sebe u njoj (naša uvjerenja, način razmišljanja)
- vizija mogućih alternativa dominantnim modelima
- proces promjene prema odgovornim globalnim zajednicama



Kao aktivnost Projektnog rezultata 2, LDA Mostar je 11. maja/svibnja, organizovala kvalitativno istraživanje u obliku fokus grupe. Rasprava fokus grupe zasnivala se na dubinskoj analizi stanja potreba i rada omladinskih radnika u područjima klimatskih promjena, (klimatskih) migracija, i aktivizma mladih.



Srednjoročni sastanak konsorcijuma projekta održan je u Mostaru od 13. do 17. juna/lipnja, 2022. Osim razgovora o rezultatima projekta 1 i 2, partneri su prvi dan sastanka posjetili Udruženje građana "Nešto Više", nevladinu organizaciju koju je 1997. godine osnovala grupa mladih ljudi sa iskustvom u radu sa organizacijama iz sektora civilnog društva u Bosni i Hercegovini.

Drugi dan su sudjelovali na sastanku sa predstavnicima iz Ministarstva trgovine, turizma i zaštita okoliša HNK, u kojem, osim predstavljanje njihovog rada, razgovaralo se o temama poput klimatskih promjena i migracija u Bosni i Hercegovini.


Posljednji dan srednjoročnog sastanka započeo je posjetom predstavnika Grada Mostara, gdje se razgovaralo o temama poput klimatskih promjena i migracije, osim ostalih tema zaštite okoliša vezanih za Mostar. Pred kraj ove posjete, partneri su se dogovorili i zaključili naredne korake aktivnosti i diseminacije projekta.



Posljednja aktivnost za 2022. godinu u sklopu projekta „Iznad priča“ se bazira na kreiranje Modula 3: Promjena perspektive. Dvoje mladih iz svake partnerske zemlje je odabранo kako bi na osnovu svojih ideja kreirali Modul 3, koji će se inkorporirati u online trening 2023. godine. Modul 3 koji će se pripremati se zove Promjena perspektive, jer mladi neće čitati ono što su prosvjetni radnici/ce pripremili za njih, već će mladi biti ti koji će pripremiti materijale za prosvjetne radnike/ce i na taj način dijeliti svoje viđenje najaktuelnijih tema današnjice.



Odgajatelji/ce, omladinski radnici/ce i nastavnici/ce koji će učestvovati u online kursu imat će koristi od modula na način da će čuti o društveno-političkim-ekološkim situacijama, globalnim problemima, uzrocima i potencijalnim rješenjima iz perspektive mlađih, što inače nije slučaj, jer se mlađi mnogo puta percipiraju kao primaoci informacija i znanja, a ne kao kreatori. Na taj način edukatori/ce, omladinski radnici/ce i nastavnici/ce će promijeniti/proširiti svoje perspektive o društveno-političkim-ekološkim situacijama, globalnim izazovima, uzrocima i potencijalnim rješenjima, kao i da će steći nove ideje o tome kako bolje i više uključiti svoje učenike/ce.



Mladima je pružena prilika da sami osmisle dijelove projekta, preuzimajući na taj način ulogu aktivnih kreatora/ica koji u online modul unose teme koje su im najrelevantnije. Omladinski radnici/ce, odgajatelji/ce, nastavnici/ce će dobiti priliku da čuju perspektivu mlađih. Glavni cilj: usmjeriti omladinske radnike/ce na znanje i informacije koje imaju za cilj izgradnju i jačanje kompetencija i kritičko razumijevanje klimatskih migracija.

MODULE 3: CHANGING PERSPECTIVE
Introduction

Beyondthetales.org

PIROUETTE – PERFORMATIVE ARTS FOR YOUTH ENGAGEMENT AND COMMUNITY REGENERATION



Trajanje projekta: 01/04/2022 – 31/03/2024

Donator: Europska unija (Erasmus+ - KA220-YOU: Cooperation among Organizations and Institutions – Cooperation partnerships in youth)



**Co-funded by
the European Union**

Aplikant: NGO Nest (Njemačka)

Partneri: LDA Mostar (Bosna i Hercegovina); QCODE (Italija) and Youth of Ura (Albanija)

Opis: "Pirouette" je dvogodišnji projekt izgradnje kapaciteta čiji je cilj promoviranje upotrebe performativnih uličnih umjetnosti poput cirkusa, uličnog plesa i street art-a kao inovativne metodologije neformalnog obrazovanja za podsticanje društvenog i građanskog angažmana mladih i, na kraju, dovođenja do rekonstrukcije urbanih i nerazvijenih područja grada uz vodstvo zajednice. Ideja koja stoji iza projekta proizlazi iz prepoznavanja društvenog i građanskog angažmana mladih kao pokretačke snage za razvoj zajednice.

Na osnovu ovoga, projekat koristi inovativan pristup problemu, jer se angažman mladih vidi kao polazna tačka za rekonstrukciju zajednice, a ne kao konačni rezultat. Štaviše, projekat namjerava da promoviše upotrebu različitih izvođačkih umetnosti kao inovativnu metodologiju neformalnog obrazovanja, jer je uključivanje izvođačkih umetnosti u neformalno obrazovanju (NFO) često ograničeno na jednu disciplinu ili nekoliko aktivnosti u okviru obuke zasnovanih na NFO. Inovativnost projekta proizlazi i iz primjene ove metodologije u omladinskoj razmjeni o osmišljavanju, implementaciji i upravljanju kulturnim i kreativnim inicijativama, što uključuje aktivnosti koje im pružaju kompetencije na terenu i iskustvu iskorištavanjem potencijala scenske umjetnosti kako bi se izgradilo samopouzdanje mladih, olakšalo njihov lični razvoj i poboljšale njihove međuljudske i komunikacijske vještine.

Glavni cilj: prepoznavanja društvenog i građanskog angažmana mladih kao pokretačke snage za razvoj zajednice putem upotrebe performativnih uličnih umjetnosti poput cirkusa, uličnog plesa i street art-a.

Specifični ciljevi:

- Uključivanje mladih ljudi sa manjim mogućnostima kroz učešće u mobilnosti i lokalnim aktivnostima osmišljeno je tako da im pruži vještine potrebne za autonomno izvođenje festivala/projekata/inicijativa scenskih umjetnosti koje vodi zajednica.
- Promoviranje vrijednosti demokratije i tolerancije među mladima koji će te vrijednosti prenijeti kroz svoja poznatija sredstva: umjetnost.
- Sađenje sjemena za podsticanje mira i postkonfliktno pomirenje kroz osnaživanje mladih ljudi zahvaljujući susretu vršnjaka različitog kulturnog porijekla, razmjeni ideja/izazova/pitanja/prijedloga i kapacitetu da se pokrenu inicijative vođene mladima za pomirenje snagom umjetnosti.

Projekat ima za cilj da proizvede sledeće rezultate:

- Provedeno istraživanje o najboljim praksama scenskih umjetnosti za obrazovanje, razvoj i rekonstrukciju zajednice;
- Format obuke dizajniran i testiran;
- Dizajniran i testiran komplet alata (toolkit);
- Mobilnost omladinskih radnika;
- Omladinska razmjena (Youth Exchange) mladih o kreativnoj urbanoj rekonstrukciji kroz scenske umjetnosti.

Ciljne grupe Pirouette projekta mogu se podijeliti u dvije grupe:

Direktne:


- Mladi edukatori, omladinski radnici i treneri iz programskih i partnerskih organizacija
- Mladi ljudi koji žive u urbanim i ili ugroženim područjima

Indirektne:

- Mladi ljudi sa umjetničkim iskustvom ili iskustvom u organizaciji događaja
- Omladinske organizacije i nevladine organizacije, kulturna udruženja, organizacije civilnog društva (OCD) itd.

AKTIVNOSTI U 2022

Prva međunarodna aktivnost Pirouette projekta je bila Kick-off sastanak u Berlinu od 3. do 6. juna/lipnja u Berlinu, Njemačkoj, na kojem su učestvovale 2 predstavnice LDA Mostar.



Sljedeća aktivnost je bila kreiranje izvještaja i upitnika na osnovu istraživanja na regionalnom nivou. Kako olakšati korištenje umjetnosti kao oblika neformalnog obrazovanja? To je jedno od centralnih pitanja upitnika koji čini prvi izvještaj konzorcijuma Pirouette. Prva publikacija koja bolje govori o projektu Pirouette, a kojeg sprovode NVO NEST Berlin, Q Code Magazine, Mladi Ura Vajgurore i Agencija lokalne demokratije Mostar: u dosijeu se nalazi 10 vođenih intervjuja partnera sa omladinskim radnicima i 10 upitnika za partnere sa uličnim umjetnicima.

Svrha kreiranja upitnika bila je da se identifikuju potrebe i očekivanja dionika uključenih u projekat, da se utvrdi stepen upoznatosti sa upotrebom streetart-a kao obrazovnog oblika i da se ispita lično mišljenje učesnika o tome šta misle da bi olakšati korištenje umjetnosti kao oblika neformalnog obrazovanja. Kompletan izvještaj je na www.pirouetteproject.eu

VIDLJIVOST AKTIVNOSTI KOJE PROVODI LDA MOSTAR

Agencija lokalne demokratije Mostar, putem službenih kanala komunikacije, redovno i bez iznimke, diseminira i promovira informacije o aktivnostima u okviru projekata koje implementira, kao i informacije o aktivnostima u kojima sudjeluje. LDA Mostar pravovremeno obaviještava lokalne i regionalne medije o ključnim projektnim aktivnostima i događajima koje organizira, što mediji redovno poprati i izvijeste. LDA Mostar, putem svojih profila na socijalnim mrežama ([Facebook](#), [Instagram](#) i [YouTube](#)), kao i putem svoje [web platforme](#), također objavljuje informacije koje se tiču aktivnosti njenih partnera, kao i vijesti koje su relevantne u širem kontekstu projekata i lokalne zajednice, a u skladu su s prioritetenim područjima LDA Mostar.

LDA Mostar posebnu pažnju poklanja mladima kroz svoju Facebook stranicu "[Info Point Mostar](#)", koja svakodnevno donosi nove i relevantne sadržaje vezane uz obrazovanje, stipendije, programe Europske unije, programe mobilnosti mladih, volontiranje i aktivizam, tečajeve, radionice, studentski smještaj, slobodna radna mjesta, kao i sve druge informacije lokalnog i regionalnog karaktera, a koje su relevantne za mlade. "Info Point Mostar", nastao je u okviru EU projekta „Regionalna platforma za učešće i dijalog mladih Balkana“, koji je implementiran od 2015. – 2018. godine na području osam lokalnih zajednica Zapadnog Balkana, a čije je aktivnosti na području Grada Mostara u svojstvu partnera implementirala LDA Mostar. Od početka 2019. godine, "Info Point Mostar" nastavlja svoje djelovanje izvan granica projekta, i dalje u okviru rada LDA Mostar.

LDA Mostar jedna je od administratora Facebook stranice "[Izbori se za Mostar](#)", kreirane u sklopu istoimene inicijative koju su pokrenuli mladi Mostara za vrijeme Lokalnih izbora u BiH 2016., kada je građanima Grada Mostara ponovno bilo uskraćeno pravo glasanja na lokalnim izborima. FB stranica "Izbori se za Mostar" donosi informacije o aktivnostima ove inicijative koje trenutno provodi koalicija "Izbori se za Mostar" formirana od tri nevladine organizacije: LDA Mostar, Vijeće Mladih Grada Mostara i OKC Abrašević. Spomenuta FB stranica također donosi pozitivne vijesti koje se tiču mladih Grada Mostara kao i vijesti političkog karaktera vezane za Grad Mostar. Ideja za inicijativu "Izbori se za Mostar" je proistekla na sastanku Lokalne savjetodavne skupine mladih Mostara, kreirane kao mehanizam za participaciju mladih u okviru EU projekta „Regionalna platforma za učešće i dijalog mladih Balkana“.

Agencija lokalne demokratije Mostar u sklopu svojih tekućih projektata također administrira sljedećim web stranicama i stranicama na slobodnim medijima:

[Web platforma projekta "LINK za saradnju/suradnju"](#)

[FB stranica projekta "LINK za saradnju/suradnju"](#)

[Instagram profil projekta "LINK za saradnju/suradnju"](#)

[Web stranica projekta "Ambasadori za neformalno obrazovanje mladih"](#)


[FB stranica projekta "Ambasadori za neformalno obrazovanje mladih"](#)

[Instagram profil projekta "Ambasadori za neformalno obrazovanje mladih"](#)

OSTALE AKTIVNOSTI

EESK SAVJETOVANJE S CIVILNIM DRUŠTVOM

U Sarajevu je 24. maja/svibnja održan sastanak EESC-ova Odbora za praćenje Zapadnog Balkana na temu "Savjetovanje s civilnim društvom iz Bosne i Hercegovine" na kome je među ostalim uzvanicima učestvovala i direktorica LDA Mostar, Dženana Dedić. Cilj ovog savjetovanja bilo je prezentiranje stajališta civilnog društva EESC-ovom Odboru za praćenje Zapadnog Balkana, koji će ih prenijeti vlastima Bosne i Hercegovine, kao i institucijama Europske unije. Među ostalim, iznesena su stajališta po pitanju socijalnog i civilnog dijaloga, ekonomске situacije i stanja na tržištu rada Bosne i Hercegovine, s posebnim fokusom na mlade, te slobode izražavanja i medija u Bosni i Hercegovini i borba protiv dezinformacija.



Uvodnim riječima kao i iznošenjem zaključaka po završetku događaja prisutnima se obratio Ionuť Sibian, predsjednik EESC-ova Odbora za praćenje Zapadnog Balkana. Sa sudionicima događaja kroz tri panel diskusije razgovarali su brojni predstavnici organizacija civilnog i vladinog sektora, sindikata, predstavnici akademске zajednice, te UNESCO-a.

Od predstavnika EESC-ova Odbora tražili smo da se organizacijama civilnog društva u Bosni i Hercegovini pojednostavne procedure evropskih projekata kako bi se više mogli baviti suštinom i raditi na rješavanju problema u društvu što jeste suštinski zadatak civilnog sektora. Takođe smo istakli nužnost izgradnje demokratije na lokalnom nivou i demokratskog obrazovanja građana kako bi se kompetentno mogli uključiti u demokratske procese nužne za ozbiljne pozitivne promjene u Bosni i Hercegovini.

TEMATSKA SJEDNICA KOMISIJE ZA PITANJA MLADIH ZASTUPNIČKOG DOMA PARLAMENTA FBIH

Predstavnica LDA Mostar učestvovala je 24. maja/svibnja na tematskoj sjednici "Do boljih prilika za mlade" zakazane od strane doma Parlamenta Federacije BiH u saradnji sa Institutom za razvoj mladih KULT i Westminister fondacijom za demokratiju WFD.

Učesnicima tematske sjednice predstavljene su Analiza istraživanja o položaju i potrebama mladih Federacije BiH i Analiza troškova emigracije mladih iz BiH. Također učesnici su imali priliku da čuju više o tome šta Federalno ministarstvo kulture i sporta, Federalno ministarstvo zdravstva, Federalno ministarstvo rada i socijalne politike i Federalno ministarstvo razvoja, preduzetništva i obrta rade po pitanju poboljšanja prilika za mlade u BiH, svaka unutar svojih nadležnosti.

Tematska sjednica je završena usvajanjem nacrta zaključaka koji će biti upućeni prema Predstavničkom domu Parlamenta Federacije BiH.




KONFERENCIJA ZA PODRŠKU AGENCIJAMA LOKALNE DEMOKRARIJE U UKRAJINI U ORGANIZACIJI ALDA-E

Direktorica LDA Mostar, Dženana Dedić, obratila se 22. juna/lipnja, putem online linka sudionicima konferencije u Briselu koja je organizirana u znak podrške Agencijama lokalne demokratije u Ukrajini. Domačin konferencije je naša krovna organizacija ALDA - Evropska asocijacija za lokalnu demokratiju, a pored iznošenja pouzdanih informacija s terena, cilj joj je bio predstaviti plan za daljnje jačanje mreže LDA-ova, te iznatići načine za konkretnu pomoć Agencijama lokalne demokratije u Ukrajni, kako bi se preko njih uspjelo pomoći civilima u ratom zahvaćenoj Ukrajini.




Konferencija je, među ostalim, okupila predstavnike Kongresa lokalnih i regionalnih vlasti Vijeća Evrope, Zaklade Konrad Adenauer, predstavnike državnih i lokalnih vlasti iz EU i Ukrajine, civilnog sektora, te predstavnike LDA-ova iz Ukrajine.



RAZMJENA ISKUSTAVA SA DIONICIMA PROJEKTA "REBUILD"

Razmjena iskustava i dobrih praksi važan je dio našeg djelovanja i temelj za dalji razvoj novih ideja i saradnje. Tako smo 24. novembra/studenog imali zadovoljstvo podijeliti naša iskustva i dobre prakse sa dionicima projekta "Rebuild - Research and Education Building Urban Institutions for Local Demvelopement" (Libyarebuild) iz Libije, a koja se vežu uz stvaranje veza i kontinuirano jačanje saradnje sa predstavnicima lokalnih vlasti i nevladinog sektora. Projekt "REBUILD" finansirani je sredstvima Evropske komisije. Nositelj projekta je autonomna provincija Trento iz Italije u saradnji sa 10 partnera - općina/gradova Libije: Benghazi, Beni Walid, Gharyan, Sabha, Sirte, Tobruk, Tripoli, Zintan, Zliten and Zawiya.



JAČANJE ORGANIZACIJSKIH KAPACITETA U SURADNJI S KULTOM

S ciljem jačanja i unaprijedenja organizacijskih kapaciteta LDA Mostar je u septembru/rujnu potpisala sporazum o saradnji sa Institutom za razvoj mladih KULT iz Sarajeva čime se obavezala na samoprocjenu, verifikaciju i stručnu procjenu organizacijskih kapaciteta putem alata KULT/POK. Prethodno, u junu/lipnju, 2022. su predstavnice LDA Mostar učestvovali na Predstavljanju alata za procjenu i jačanje organizacijskih kapaciteta prilikom čega su imale priliku čuti više o KULT/POK alatu kao i o Profibes online aplikaciji za projektno računovodstvo i dobrim praksama prilikom upravljanja društvenim medijima nevladinih organizacija. Dogadjaj je organizovan od strane Instituta za razvoj mladih KULT kroz aktivnost Snaga lokalnog, uz podršku USAID u Bosni i Hercegovini.




FINANSIJSKI PREGLED

Ukupna sredstva za period 2004-2022

Rd. Br.	Godina	€ UKUPAN PRILIV (Serija2)	SREDSTVA OBEZBJEDILA LDA Mostar (Serija3)	% LDA Mostar
1.	2004	11,870.00	0.00	0.00%
2.	2005	66,489.14	0.00	0.00%
3.	2006	44,636.99	0.00	0.00%
4.	2007	38,370.31	3,579.10	9.33%
5.	2008	79,519.11	46,467.72	58.44%
6.	2009	53,655.05	45,898.29	85.54%
7.	2010	77,920.97	58,859.66	75.54%
8.	2011	86,336.20	53,873.00	62.40%
9.	2012	123,312.92	79,236.92	64.26%
10.	2013	83,171.09	63,323.09	76.14%
11.	2014	46,658.10	28,851.97	61.84%
12.	2015	68,549.76	63,049.76	91.98%
13.	2016	93,818.41	82,041.26	87.45%
14.	2017	75,212.66	47,474.66	63.12%
15.	2018	166,701.10	149,889.87	89.92%
16.	2019	126,920.97	81,261.74	64.03%
17.	2020	280,073.97	259,246.06	92.56%
18.	2021	74,341.47	74,341.47	100%
19.	2022	337,092.07	337,092.07	100%
	TOTAL	1.597,558.22	1.137,486.52	

Grafički prikaz prikupljanja sredstava za period 2004-2022



2022

AGENCIJA LOKALNE DEMOKRATIJE MOSTAR

WWW.LDAMOSTAR.ORG